



**A las adressatas ed als adressats
tenor la glista da distribuziun**

Cuira, ils 27 d'avust 2026

Consultaziun tar la Lescha davart l'agir dal Cussegl grond e da la Regenza en situaziuns excepziunalas (lescha generala) e tar la revisiun parziala da l'Urden da gestiun dal Cussegl grond concernent l'agir dal Cussegl grond en situaziuns excepziunalas

Stimadas dunnas e stimads signurs

La Regenza ha autorisà la Chanzlia chantunala dal Grischun da dar en consultaziun la Lescha davart l'agir dal Cussegl grond e da la Regenza en situaziuns excepziunalas (lescha generala) sco er la revisiun parziala da l'Urden da gestiun dal Cussegl grond (UGCG; DG 170.140). Qua tras duai vegnir realisada l'incumbensa da la fracziun da la PCD concernent ils fatgs ch'ins ha emprendì da la pandemia COVID-19. Questa incumbensa era vegnida inoltrada ils 19 da zercladur 2020 ed acceptada dal Cussegl grond en la sessiun d'october 2020.

Sin basa d'ina gronda evaluaziun posteriura da la crisa duain vegnir stgaffidas las basas giuridicas necessarias per meglierar l'abiltad d'agir dal Cussegl grond e da la Regenza en situaziuns excepziunalas, quai cun las propostas da la lescha generala e da la revisiun parziala da l'Urden da gestiun dal Cussegl grond. Ina da las finamiras da l'incumbensa da la fracziun era quella da meglierar la collavuraziun tranter il chantun, las regiuns e las vischnancas. Questa meglieraziun è vegnida realisada tras la revisiun parziala da l'Ordinaziun tar la Lescha davart la protecziun da la populaziun, ch'è entrada en vigur il 1. da schaner 2026.

Da nov fa il chantun ina consultaziun digitala. Ils documents da la consultaziun actuala èn disponibils sin la suandanta plattafurma digitala:

<https://e-mitwirkung.gr.ch/rm>.

Sin questa plattafurma pudais Vus As infurmar svelt e facilmain, endatar Vossa posiziun en moda effizienta e structurada, envidar autras persunas dal team per rediger la posiziun e trasmetter la posiziun sin via electronica. Sche Vus preferis d'inoltrar Vossa posiziun sin palpiri, pudais Vus far quai er vinavant uschia.

Nus As envidain d'inoltrar Vossa posiziun fin ils **25 da november 2026**. Sche Vus duvrais la plattform digitala per inoltrar Vossa posiziun, facilitais Vus nossa lavur d'evaluaziun. Perquai preferin nus questa via.

Grazia fitg gia ordavant per Voss interess per quest project e per Vossa posiziun.

Salids amicabels

CHANZLIA CHANTUNALA DAL GRISCHUN

Il chancelier

A handwritten signature in black ink, consisting of several sharp, angular strokes that form a stylized, somewhat abstract shape.

lic. iur. Daniel Spadin

Adressatas ed adressats da la consultaziun (glista da distribuziun):

- Partidas politicas chantunalas
- Vischnancas politicas
- Regiuns
- Departaments da l'administraziun chantunala
- Controlla da finanzas